



**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

5. De Conditionibus appositis in Desponsatione, vel in aliis Contractibus.

[urn:nbn:de:hbz:466:1-61800](#)

TITULUS V.

De Conditionibus appositiis in despotatione, vel in aliis Contractibus.

SUMMARI A.

1. Conditionis diversa acceptio.
2. Definitio.
3. Usque 11. Multiplex divisio.
11. 12. An liceat.
13. 14. 15. Et quibus aliis liceat adficere conditionem.
16. Quomodo concipiatur conditio?
17. Usque 27. recensentur effectus singularium conditionum, prefertia circa despotionem.
27. Et seqq. Quid operetur causa, demonstratio, vel modus adjectus contractus matrimoniali.

UT aliis contractibus, ita & despotioni conditiones apponi possunt; qua in re quid juris, hoc titulo exponitur.

§. I.

1. Conditionis non una significatio est: Intendit sumitur pro statu personæ, ut in §. fin. Institut. de Fatre person. l. 9. ff. de Statu hom. Aliquando pro qualitate rei, v. g. matrimoni, ut in l. 65. ff. de Judicis. l. 19. & 36. ff. de Rite nupt. Nonnunquam pro modo, ut in c. verum. 4. b. t. Alibi pro pacto, seu lege contractus, ut in l. 6. ff. Pro socio. l. 7. C. de Pactis. Quandoque pro optione, sive electione, ut in l. 8. §. 12. ff. de Inofficio testam. Sæpius, & hoc loco accipitur pro circumstantia dispositioni adjecta, à cuius existentia valor illius dependet.

§. II.

2. Definitur conditio, quod sit adjectio apposita, vel subintellecta, per quam dispositum in suo esse habet existentiam, vel defectum. Ita ferme Bald. in Rubr. de Condit. & Demonstrat.

§. III.

3. Dividitur conditio I. in conditionem de praesenti, de præterito, & de futuro, juxta modum scilicet, quod concipitur. Conditio de

præsentis est, si dicam: ducam te, si es virgo, & nobilis, Comes, aut Princeps. Conditio de præterito, si dicam: ducam te, si Ferdinandus III. fuit Imperator; si pater tuus est mortuus. Conditio de futuro, si dicam: ducam te, si hoc, vel illud feceris, aut non feceris. Hæc postrema conditio propriè talis est, non item conditio de praesenti, vel de præterito juxta, institutione. 10. ff. de Conditionib. inst.

II. Dividitur in conditionem possibilem, & impossibilem. Possibilis dicitur, quæ se habet ad esse, & non esse, id est & evenire, & non evenire potest. Impossibilis, cum quid fieri repugnat.

Conditio possibilis subdividitur in necessariam, & contingenter, & hæc denovo in suas species. Necessaria est, quæ ordine natura, aut alias omnino est exitura; ut si dicam: accipies in uxorem, si cras solioriatur, velocidat: si Titus moriar: si Antichristus nascatur. Contingens alia est potestativa, alia casualis, alia mixta. Potestativa, seu arbitria nuncupatur, quæ dependet à sola, & libera voluntate ejus, qui vel faciendo, vel faciendo illum implere potest; qualis est hæc: ducam te, si Christianam religionem amplecti vulneris, arg. l. 2. ff. de Condit. & demonstrat. Casualis vocatur, quæ pendet ex futuro evenitu, & ex voluntate tertii; qualis est hæc: ducam te, si Imperator vicerit Turcam; si Titus Doctor Farium factus fuerit. DD. in L. qui balneum. §. 1. ff. Qui pos. in pign. Mixta, quæ partim casualis, ac fortuita est, partim arbitria; qualis illa: ducam te, si redieris ex Gallia; quod tam à fortuna, quam à voluntate abeuntis pendet per l. si pater. 4. C. de Instit. & substit.

Conditio impossibilis vel est talis ex natura rei, cui natura impedimento est, quod minus existat, ut: si hircorum coperis: vel est talis defacto, cum quid jure, & natura fieri potest, propter difficultatem tamen impossibile judicatur.

judicatur, ut: *Si cœlum digitō terigeris: si monum aureum in dorem dederis;* vel est talis de jure, cum pro conditione ponitur res lege prohibita: quod enim lege non licet, id nec posse lenientur. l. 15. ff. de Condit. & Instit. Et hæc itarum alia est contra substantiam matrimonii, puta contra educationem, vel generationem prolixi, ut: *Si partum impediens: si sterilitas venenum sumpseris,* aut contra fidem conjugalem, ut: *Si pro quaestu te prestineris: si tui copiam feceris iis, quibus volueris;* aut contra bonum Sacramenti, ut: *Si aliud honore, & facultatibus ditionem non inveneris.* c. fin. b. t. Alia est, quæ non repugnat substantia matrimonii, ut ista: *Ducam te, si promissum occideris: si furtum feceris.* Sanchez de Matr. lib. 5. disp. 1. n. 3.

III. Dividitur conditio in suspensivam, & resolutivam. Suspensiva dicitur, quæ actus obligationem, seu effectum suspendit, donec conditio existat, veluti si quis ita contrahat matrimonium cum Titia: *Si ipsa in dorem offerat nullo.* Resolutoria, quæ nihil obstat, quin contrahatur, vel actus ab initio sit purus, facit tamen, ut possit resolvi: v. g. *Ego contra hoc nolum, donec aliam ditionem invenero.* Gonzalez c. I. n. 8. b. t.

IV. Dividitur conditio in expressam, & tacitam. Expressa est, quæ conceptis verbis apponitur. Tacita, quæ actui alias inest, et si non exprimatur: cujusmodi in ordine ad sponsalia sunt haec: *Si DEUS voluerit: si DEO visum fuerit: si vixeris: si res permanferit in eodem statu: si non es mea affinis, aut consanguinea: si honeste, & pudice vixeris.* Sanch. a. n. 3. & 8.

§. IV.

^{II} Causa officiens conditionis est vel remota, vel proxima.

Remota est ius, quod modò prohibet, modò permittit, actum fieri sub conditione. tot. hoc tit. & ff. de Condit. & Demonstrat. ac passim alibi.

Proxima sunt, qui dispositioni, seu actui conditionem aliquam apponunt. Possunt autem utique omnes illi conditionem apponere, quos neque natura, neque lex impedit, quod minus actum ipsum pure celebrare possint, arg. l. in remandata 21. C. Mandati. Unde qui sunt habiles ad contrahendum matrimonium, ac sponsalia, sunt etiam habiles ad hoc, ut isdem conditionem adjiciant.

§. V.

Materia, seu Objectum conditionis sunt actus, quibus ea apponi potest: sunt enim actus, qui conditionem respuant, & per ejus adjectionem vitiantur. Sed quinam illi? Jure Canonico regulâ generalis traditur: *actu legitimi conditionem non recipiunt, neque diem.* c. 50. de R. I. in 6. De Jure Civili regula paucilim limitatior habetur in *l. actus legitimi.* ff. Eod. ibi: *actus legitimi, qui non recipiunt diem, vel conditionem, veluti emancipatio, acceptatio, hereditatis aditio, servi optio, datio tutoris, in torum vitiantur per conditionem, vel temporis adjectionem.* Quorum verborum sensus non est, quod omnes actus legitimi conditionem, seu diem respuant, vel per ejus adjectionem vitiantur, sed quod si actus legitimi, qui conditionem, vel diem non recipiunt, ejus additione inutiles, irritique sint, atque hoc sensu etiam regulam canoniam intelligendam esse, ibidem docent Barbos. Canisius, & alii.

De matrimonio controvertitur, an ei, præsertim in locis, ubi Tridentinum receptum est, conditio de futuro contingente adjici possit?

Negativam probat Sanchez d. disp. I. n. 5.

Covare. de Matrim. p. 3. c. 3. n. 3. Affirmativam sustinent Gloss. Panormit. & Canis. in c. I. b. t. Quibus meum quoque calculum adjicio: quamvis enim fatendum sit, quod matrimonium purum, & perfectum non sit, antequam existat conditio, sicut nec aliud

contractus conditionatus; attamen hoc non impedit, quin contractus hujus Sacramenti, qui ex consensu simpliciter penderet, conditio natus esse possit, cum ipse consensus de praesenti possit esse conditionatus. Neque obest, quod ingerunt, matrimonium esse ad hoc institutum, ut statim ex eo purus effectus co habitationis, & conjunctionis mutuae sequatur: Hoc namque simpliciter verum non est, quandoquidem constat, hunc effectum posse suspendi per deliberationem, & ingressum in religionem. Si ergo effectus purus illico sequi mon debet, natura hujus contractus conditionem non excludit. Vid. Canif. & Barb. l. cit. Layman in Theol. moral. lib. 5. tr. 10. p. 2. c. 7.

§ 5 Eadem ferè difficultas videtur de professio ne religiosa, ut qua est velut matrimonium spirituale, & per eam se tradit, ac consecrat homo DEO in perpetuum servitium, atque à mundo emancipatus se eidem Numini mancipat. Probabiliter tamen est, quod sicut matrimonium, ita & professio religiosa conditionem suspensivam recipere possit, & tunc, tametsi ante existentiam conditionis professio perfecta non sit, tamen ea existente sine novo consensu, & acceptatione superioris professio pura, & perfecta efficiatur, ut tradit Sanch. Op. moral. lib. 5. c. 4. n. 88. & cum eo Layman ut suprà. Obiter tamen noto, quod tam professio religiosa, quam matrimonium conditionem resolutivam, vel diem non admittant: quippe conditio resolutiva, & adjectio diei sive per modum termini, sive per modum conditionis facta repugnat substantiae utriusque, & sic reddit actum nullum per text. in c. fin. b. 1.

§. VI.

§ 6 Forma conditionis stat in modo eam concipiendi, qui varius. Dictiones usitatores, quibus conditio exprimitur sunt adverbia: si, cum, quando, quandoque, ubi, dum, dummodo, donec, quoad, quamdiu.

Particulae quasi ex natura sua negotio conditionem adjicit. l. 1. l. 17. §. 3. ff. de Condit. & demonst. Alexander consil. 127. lib. 7. Nisi conditio repugnet fasto, vel intentioni disponentis. Barb. de Diction. usus frequent. dist. 364 n. 2.

Particulae cum, quando, quandoque principalius quidem significant tempus. l. 22. ff. Quando dies legat. conditionem tamen denotant, si adjiciuntur verbo futuri temporis aut termino incerto, ut si pater leget filie: cum nupserit, vel quando nupserit. l. 43. pr. §. 1. & 2. ff. de Legat. l. 1. 25. ff. de Condit. & demonst. l. 30. ff. Quando dies legat. Alex. lib. 2. consil. 55.

Similiter particula ubi juncta verbo futuri temporis, aut eventui incerto, conditionem inducit, ejusdemque significationis, ac potentiae est, cuius vox cum, vel quando: veluti si mulieri legatum relictum sit, ubi ca nupserit. l. si ita scriptum. 45. §. fin. ff. de Legat. 2. Gonzalez in c. 1. c. 1. n. 7.

Adverbia dum, dummodo, donec, quoad, quamdiu, modo conditionem suspensivam, modo resolutivam important; suspensivam tunc, quando apponuntur ad inchoationem actus, ut in l. sufficit. 56. ff. de Condit. indeb. ubi pactum de non petendo conditionale dicitur, si quis paciscatur, ne conveniatur, donec Titius consil. fiat. Resolutivam vero, quando adjectur ad actum finiendum, ut si quis ita legaverit, dum, quoad, vel donec uxor mea cum filio meo erit. l. 30. §. 5. ff. de Legat. 2. l. 17. ff. de Annulis legat. l. 6. ff. de Condit. demonst. Bartol. in l. 1. ff. Eod. num. 15. Barb. l. cit. dist. 93. & 2. seqq.

Sunt præterea plures aliae dictiones, quae in ultimis voluntatibus, aut contractibus conditionem indicant, & generaliter omnes illas, quae dispositionem in futurum aliquem eventum suspendunt, conditionem facere alferit. Alexander. consil. 109. n. 1. lib. 7.

§. VII.

§. VII.

Effetti conditionibus non semper idem est, sed pro diversitate conditionis diversus.

Efectus conditionis de praesenti, vel præter-
meli, quod, si extet, & res ita se habeat, dispo-
sitionem statim ratam; si alicet, statim irri-
tum faciat. §. conditions. 6. Inst. de Verb.
obligat. l. conditio. 100. ff. Eod. Idcirco si quis
dicat: promitto tibi matrimonium, vel accipio
in uxorem, si es nobilis, aut dives, statim rata
sunt sponsalia, aut matrimonium, si revera
nobilitas sit, aut dives; si minimus, nihil pror-
sus actum esse intelligitur: quæ enim per re-
rum naturam sunt certa, non morantur obli-
gationem, licet apud nos incerta sint. d. §. con-
ditiones. 6. Navar. in Man. c. 22. n. 62. Gu-
tierrez de Matr. e. 81. n. 1. Reverend. Maurus
Oberascher de Sacram. matr. c. 2. §. 3. q. 2.

Efectus conditionis necessaria, licet conce-
pta sit de futuro, est, quod sponsalia, matrimo-
nia, aliōsve actus nec vitiet, nec suspendat,
quippe quod fieri necessum est, praesens esse
videtur, & contractus sub tali conditione con-
ceptus, purus esse censetur, quia conditio non
potest non existere. l. hares mens 79 ff. de Cond.
& demonst. Hinc respondit Ulpianus, quod ea
conditione debetur, quæ omnino extirra est,
veluti si, cum moriar, dare promisero, solu-
tum repetu non potest, quia revera debitum
jam erat. l. 17. & 18. ff. de Conditt. indeb.
Quod tamen intelligendum est, si contrahen-
tes sciant, conditionem esse necessariam: nam
si putent, illam non esse necessariam, quoad
orum intentionem est contingens, & per
consequens contractum suspendit usque ad e-
ventum conditionis. Henriquez lib. 11. da
Marr. c. 12. n. 4. Sanch. lib. 5. disp. 2. num. 3.
Idemque est, si ex circumstantiis facile colliga-
tur, talem conditionem non apponi tanquam
conditionem, sed tanquam temporis præsum-
tionem, ut si quis dicat: contraho tecum, si
pater meus morietur, id est, quando pater meus

obierit; et si enim hæc conditio necessariò fia-
tura sit, consensus tamen in diem signatur
fertur, & sic de futuro est, arg. d. l. hares; 79.
ff. de Condit. & demonst. Sanch. l. cit. n. 6.

Effectus conditionis possibilis de futuro con- 19
tingente est, quod effectum, & obligationem
actus suspendat; quamobrem nec sponsalia,
nec matrimonia, nec alii contractus quicun-
que hac conditione pendente obligant ad exe-
cutionem, sed solum ad expectandum ejus
eventum per §. 4. Inst. de Oblig. Quod si con-
ditio deficiat, sive casu, sive culpâ cujuscun-
que, contractus dissolvitur, neque ex iis agi po-
test c. super eo. §. h.t. Si vero impleatur con-
ditio, quantumvis ex intervallo, ea (excepta
conditione potestativa) retrotrahitur, & con-
tractus ita purificantur, & perficiuntur, ac si
ab initio fuissent pure, & sine conditione initi-
t. 11. pr. & §. 1. ff. Quipotior. in pig. l. 41. ff.
d. O. & A. l. 7. ff. de Contrah. empt.

Illud acriter discrepat: an matrimonium 20
contractum per verba de praesenti sub condi-
tione de futuro honesta, eā impletā, fiat vall-
dum, & obliget absque novo consensu utrius-
que contrahentis?

Negativam imprimis suadere videtur tex-
tus in c. super 50. §. h.t. propterea, quod ibi
dicatur, eum, qui in mulierem consentit, si
pater volet, non nisi eveniente conditione co-
gendum esse ad matrimonium contrahendum:
si ergo impleta conditione cogendus est con-
trahere, non erit statim matrimonium sine
novo consensu. Deinde ratio: quia cætera Sa-
cramenta à futuro eventu pendere non pos-
sunt, sed statim aut nulla, aut valida esse de-
bent, ut in baptismate, si quis diceret: baptizo
te, sieras penitueris; in confessione: absolu-
te, sieras restitueris; nec baptismus, nec abso-
lutio valeret, etiam impleta conditione, nisi
nova ablutio, aut absolutio de praesenti detur.
Ergo idem dicendum de matrimonio: maxi-
mè quia consensus sub conditione in futurum
im-

implenda est consensus solum de futuro, non
de praesenti, ut habetur in d. c. super eo. in fin.
& docet S. Thom. in 4. dist. 29. q. un. art. 3.
ad questione. 3.

Nihilominus major, meliorque pars Ca-
nonistarum sequitur affirmativam, eamque
servat Curia Romana etiam post Concilium
Tridentinum, ut testatur Fagn. in d. c. super
eo. eò quod omnes reliqui contractus, etiam
sponsalium, sub conditione contingente in fu-
turum celebrati ea eveniente purificantur,
ac perficiantur sine novo consensu, ac si ab
initio fuissent pure, & sine conditione initi per
jura supra allegata; ergo & matrimonium
tam sub ratione contractus, quam sub ratione
Sacramenti, cum Christus illud elevando ad
dignitatem Sacramentii ejus naturam non
immutaverit.

Neque huic sententiae refragatur c. super
eo. 5. h. t. quoniam in illo ly contrahere acci-
pitur pro consummare, ita ut sensus sit, eum,
qui sub conditione matrimonium contraxit,
conditione impleta cogendum esse ad con-
trahendum, id est, ad consumandum matrimo-
nium, quandoquidem interrogatio de con-
summatione est proposita, cui responsio con-
gruere debet. Sanch. lib. 5. disp. 8. n. 5. In-
ductio, & argumentatio ab aliis Sacramentis,
ut in aliis multis, ita quoque in hoc fallit. Ra-
tio disparitatis inde provenit, quod alia Sacra-
menta omnia certam materiam, formamque
absolutam, ac verbalem habeant, matrimo-
nium autem in ratione Sacramenti plus non
requirat, quam in ratione contractus, utpote
in quo ejus materia, & forma consistit; pro-
inde sicut quod contractus perfici potest per
eventum conditionis sine novo consensu, ita
etiam perfici poterit, ut est Sacramentum. Ad
id, quod additur, concedo, consensum condi-
tionatum non esse consensum de presenticum
effectu actualiter posito, nego vero, non esse
consensum de praesenti cum effectu in even-

tum conditionis suspenso, exprimitur nam-
que per verbum praesens: v. g. accipio te, &
pater tuus consenserit.

Porro ut conditione existente matrimo-
nium reddatur perfectè validum, & purum,
juxta communiores sententias necessarium
est, ut in locis, ubi Tridentinum promulga-
rum, ac receptum, Parochus & testes etiam
de conditionis implemento notitiam habeant,
adeoque vel intersint, dum conditio impletur,
vel ialtem contrahentes coram Parocho, &
testibus, conditionem esse impletam, affi-
ment: quippe alioquin in foro externo de
matrimonio substantialiter perfecto testifica-
ri non possent, sed solum de contractu inchoa-
to, & adhuc in futurum pendente, solubilique.
Coninck, Petr. Ledesma, & cum his Layman
in Theol. moral. lib. 5. tr. I.C. p. 2. c. 7. n. 3.

Effectus conditionis impossibilis, sive dena-
tura, sive de facto, sive de jure variat. Adiecta
ultimae voluntati, puta testamento, legato, fi-
deicommisso, donationi mortis causâ, non vi-
tiat, vel impedit effectum hujusmodi ultimæ
voluntatis, sed ipsa conditio vitiat, id est, ha-
betur pro non adiecta, seu non scripta. l. I.
l. 14. ff. de Condit. inst. l. reprobenda. C.
de Inst. & subst. Idem est in matrimonio,
dummodo non inferatur conditio turpis, que
sit contra substantiam matrimonii per text. in
c. fin. h. t. Secùs in aliis contractibus, & acit
bus inter vivos, qui, si sub conditione impos-
sibili, aut turpi celebrentur, vitiantur, & nul-
lius momenti existunt juxta §. si impossibili.
II. Inst. de Inutil. stipul. l. non solum. 31. ff.
de Obligat. & act. Ratio discriminis est, quod
ultimæ voluntates sint favorabiliore, quam
contractus, & benignior, ac plenior in iis in-
terpretatio facienda, nec facilè credendum sit,
aliquem ultimæ suæ voluntati quid adiecisse ad
impugnandum idem suum judicium. l. 3. ff. de
Testam. milit. Matrimonii quoque favor favoni
ultimarum voluntatum æquiparatur. Sed hic
Cap.

Controvertitur I. Qua ratione conditiones impossibilis, vel turpes, quæ non repugnant substantiae matrimonii pro non adjectis habent possit?

Dixeris forsitan, matrimonium sub ejusmodi conditione contractum ex defectu substantialis consensus penitus non posse subsistere: enim consentire non intelligitur, qui noluit se obligare, nisi sub conditione impossibili, vel turpi juxta textum in *d. l. non solum 31. ff. de Oblig. & al.* Et verò si quis in matrimonium conseruit sub conditione turpi, v. g. si hominem interficeris, tum revera consensus ejus naturaliter spectatus est conditionatus, non abolutus, conditionatus autem consensus sublata conditione deficit. Similiter, qui hanc oratione usus est: *accipio te, si montem aurum pro dote attuleris, vel scivit, conditionem esse impossibilem, vel reputavit, esse possibilem; si scivit, tum non habuit verum consentium, sed potius ludere voluisse videtur; si reputavit possibilem, talis conditio in ejus animo & apprehensione eandem vim habet, ac si verè esset possibilis, & contingens, consequenter ex ejus defectu conseruit nullus est, arg. l. servio manumisso. ff. de Condition.*

Hac de causa DD. anxie disquirunt circa intellectum *d. c. fin. b. t. & diversas ejus explanationes afferunt, quarum octo refert Gutierrez de Matr. c. 82. à n. 40.* Prae reliquis placet hæc: illam dispositionem *c. fin.* tantum procedere ex præsumptione, quod scilicet, si conditiones impossibilis, vel turpes, quæ non sunt contra substantiam matrimonii, adiiciantur huic contractui, præsumatur, non fuisse se-
no apposita, sed ipsum matrimonium abso-
lutè contractum, conditiones autem tantum in specie, aut secundariò per modum acces-
sori adjectas. Nec est verum, quod quando conditio turpis, vel impossibilis, cognita ut talis, additur, semper necessariò naturalis con-

KÖNIG IN DECRET. LIB. IV.

sensus deficiat; potest enim circa substantiam matrimonii esse verus, & principalis consensus, circa addita aut secundarius, aut nullus. Igitur per decisionem *d. c. fin.* non ponitur regula universalis circa contractum matrimonii, quasi is debeat abolutè subsistere, tametsi consensus fuerit verè nullus, aut simpliciter conditionatus: cum constet, absque vero, ac naturali consensu matrimonium contrahiri non posse; sed præsumitur duntaxat à jure, verum intervenisse consensum, & quidem per se ab-solutum, nisi contrarium ex circumstantiis & adjunctis reuceat, ac præsumptio illa per aliam elidatur. P. Engl. b. t. n. 12. & 13.

Controvertitur II. An sicut in matrimonio, ita in sponsalibus de futuro conditiones turpes, aut impossibilis rejiciantur, & sponsalia pro abso-lutè contractis habeantur?

Negativam defendit Zoël. b. t. n. 22. & post eum P. Engl. n. 15. eo quod c. fin. Eod. tit. tantum loquatur de matrimonii, & aliunde illius dispositio sit exorbitans à jure communii, immo quodammodo correctoria juris naturalis, adeoque strictissime interpretanda. Affirmativam Sanch. lib. 5. disp. 17. n. 2. dicit, esse communem ferè omnium, nec ab ea in praxi recedendum: quia alias, quæ de matrimonio disponuntur, etiam in sponsalibus procedunt per l. oratio. ff. de Sponsal. idque præfertim hic obtinet; ex quo dispositio *d. c. fin.* non est odiosa, sed favore matrimonii introducta, ut ibidem expressè dicitur. Nec etiam à regulis juris communis, minus à jure naturali exorbitat, siquidem idem universiter de ultimis voluntatibus constitutum est in l. 1. & 4. ff. de Condit. inst.

In theoria utraque sententia probabiliter defenditur. In praxi existimem, plurimum ad circumstantias contractus attendendum esse, & sententiam negativam sequerer, si ex contrahendo matrimonio alia quedam incommoda, ut sèpè accidit, suboritura time-

O

ren-

rentur, cum tunc sponsalia potius odiosa, quam favorabilia essent; affirmativam vero, cestantibus ejusmodi incommodis, modo contrahentes sciverint, conditionem esse vere impossibilem, aut saltem ita turpem, ut in eam inclinasse non videantur; quod addo: quia si sit talis conditio, in quam homines frequenter ex humana fragilitate consentiunt, ut si Lutheanus promittat matrimonium Catholicæ sub conditione, si religionem catholicam abjuraverit: vel si quis dicat, se ductum Titiam, si prius sui corporis copiam faciat, &c. tunc enim presumendum, conditionem serio appositarum, nec aliter quam conditionate consensum praesumitur fuisse, consequenter corruit opposita presumptio desumpta ex s. fin. sapient. Patri. Sporer de Maris. c. I. num. 192. Clariss. P. Jacob. Wex de Sponsal. p. I. §. 6. n. 25.

25 Effectus conditionis resolutiva alius est, si consideretur ut pendens, alius, si ut existens, alius, si ut deficiens. Ut pendens relinquit actum purum, nec puritatem, aut perfectiōnem negotii remoratur, arg. l. 3. ff. de Contrah. empt. l. 2. §. 4. & 5. ff. Proemptio. Ut existens actum resolvit, ita ut retro ab ipso initio pro non facto habeatur per l. 19. ff. de Usurpat. l. 6. §. 1. de Divers. & tempor. prescript. Sicut enim conditio suspensiva hoc operatur, ut ea existente retro actus pure celebratus putetur juxta deducta, ita ex adverso facit conditio resolutiva, ut retro nihil actum esse videatur. Bachov. ad Treutl. Vol. I. Disp. 28. th. 9. lit. D. Ut deficiens actum ita confirmat, ut absolute evadat irrevocabilis, perinde ac si ab initio nulla conditio fuisset adjecta: quoniam resolutio fuit conditionalis, & conditionalia deficiente conditione pro inferis habentur.

26 Denique effectus conditionis tacita, quæ nempe ex natura rei inest, idem est, qui expressæ per l. item quia 4. ubi Gloss. & DD. ff. de l. act. non tamen facit actum conditionalem,

nec obligationem, aut exactionem suspendit, tametsi exprimatur: sic enim, licet sponsalia de futuro habeant tacitam conditionem: nisi deformitas superveniat, vel detegatur, statim tamen parluerit publicam honestatem, henc statim sponsa potest urgere, & cogere sponsum ad contrahendum matrimonium. Similiter omnibus testamentis, vel legatis inest conditio, si hares adire, si legatus accipere volerit, & tamen etiam si neuter voluntatem suam declararet, sed forte nosciat, sibi aliquid in testamento relictum esse, hereditatem, vel legatum ad suos heredes transmittit, nec conditio tacita attenditur. l. conditiones 99. l. ali quando. 107. ff. de Condit. & Demonstrat. & ibi Gloss. Quod vero tacita conditio, licet expressa, non faciat actum conditionalem, non procedit, quando conditio non inest eodem modo, sicut expressa, aut si in expressa requirit declaratio hominis. Hinc si Titio legentur 100. si volet, legatum propriè conditionale erit, & nisi ante mortem conditionem impleat, ac voluntatem suam declararet, non transmittet legatum ad suos filios, vel heredes per text. in l. 5. ita legatum. 65. §. 1. ff. de Legat. I. l. 69. ff. de Condit. & demonstrat. Ol. drad. confit. 41.

§. VIII.

Affinis conditioni est causa, demonstratio, & modus.

Causa apponitur, quando id denotatur, propter quod, sive præiens, sive præteritum, fit dispositio, & designatur per particulam quia, ut: Titio, quia negotia mea curavit, censum do, lego: ducam te, quia ex hac familia oriunda es.

Est tamen quoad causam differentia inter ultimas voluntates, & actus inter vivos: nam in legatis, positâ falsâ causâ, censetur principale motivum adhuc subsistere, eò quod legata non tam ex illa causa, quam ex liberalitate legantis proficiunt credantur. Zoëf. ad ff. de Condit.

condit. & demonst. n. 44. Quapropter ut legum irriteretur, heredi incumbit probatio, causam adiectam fuisse finalem, quod si prohaverit, legatarius exceptione doli mali submovebitur. *I. cum tale. 72. §. falsam. ff. Eod.* Contra in contractibus, & aliis dispositionibus inter vivos, nisi aliunde de mente dispositoris constet, adiecta ratio, & causa habetur pro causa finali, non pro dispositiva. Panorm. *In c. quia circa 6. n. 6. de Consang. & afferit.* atque ideo procedit regula, quod sublati causae tollitur effectus. *c. cum cessante. 62. de Appellat.* ubi Panorm. n. 2. & in contractibus error dans causam contractui contractum velicitat, vel saltem facit, ut irritari possit, ut dictum in tit. de Dolo & contumacia. n. 15. & 16. Excipitur matrimonium, quod adiecta causa sive vera sit, sive falsa non dirimit, nec infirmat, sed causa pro non adiecta habetur, nisi interveniret error circa personam, aut personae conditionem; hic enim error obstat matrimonio, non error qualitatis. Sanchez lib. 5. disp. 19. n. 2.

§. Demonstratio est appositi signi, vel accidentis alicuius ex parte ejus, de quo fit dispositio, aut cui, vel cum quo, & communiter explicatur per relativum qui, qua, quod: ut: dono, aut lego Titio librum illius, quem à Sempronio accepi: dico te, qua de talis summate es, qua es libera, qua sterilis, &c.

Est autem quoad demonstrationem paratio ultimarum voluntatum, & contractuum, scilicet auctiūm inter vivos, & ut illas, ita neque istos vitiat falsa demonstratio, modo constet, de qua re, vel persona fuerit. *I. demonstratio. 17. & I. falsa demonstratio. 33. ff. de Condit. & demonst.* Propterea: quia talis demonstratio inducit ad summum errorem accidentalem, nec facit, deficere consensum, leu voluntatem disponentis. Quod maxime obtinet in matrimonio: ea enim in nullo penitus impedit demonstratio, sive vera

sive falsa, sive honesta, sive iuhonesta, sive de praesenti, sive de futuro, sive aduersetur, sive non aduersetur substantiae matrimonii, dummodo non concurrat error personae, aut conditionis servilis, ut docet Zoësius h. t. n. 19. & seqq. ex ea ratione, quod, quæ vitiant matrimonium, debeant pertinere ad substantiam & vim contractus, quod non pertinet demonstratio, ut quæ solùm declarat opinionem, quam contrahens habet circa personam, cum qua contrahit.

Modus est veluti lex quædam, ac gravamen additum dispositioni iam complexe, in futurum præstandum, & vulgo exprimitur per particulam ut: v. g. dono, vel lego tibi mille ea lege, ut singulis annis des certam elemosynam: duco te in uxorem, ut certam dotem procures, ut tale officium per te impetrem. Differt vero à conditione potissimum in eo, quod actum non suspendat. *c. verum. 4. h. t. I. libertus. §. hec scriptura. ff. de Matrimis. testament.*

Quoad effectum modi refert, possibilis, seu honestus sit, an impossibilis, aut turpis? Si possibilis, a honestus est, is, qui modum recipit, obligatur ad modum impletum per I. I. C. de his, qua sub modo legat. Non tamen requiritur, ut modus antea impleatur, quam res relicta, vel promissa petatur, sed ordinariè sat erit, cautionem præstare de obligatione, & modo postea implendo. *I. si tibi legatum. ff. de Legat. 3. I. quibus diebus. 40. §. fin. de Condit. & demonst. I. insulam. § 1. ff. Locati.* Quæ cautio, re ita exigente, in sponsalibus quoque, & nuptiis locum habet, ut quæ sunt species contractuum, qui consensu celebrantur. DD. in I. nuptias. ff. de Regul. juris. Motz de Contract. tit. de Nupt. num. 1. Quodsi modus sit impossibilis, ac turpis, in omnibus auctibus, scilicet tam in contractibus, quam ultimis voluntatibus rejicitur, manente actu valido, nisi

O a

modus

modus adjectus fuerit contra substantiam actus, quo casu vitiat ipsum actum. c. fin. b. t. arg. l. per servum. 14. iuncta. l. seq. ff. de Uss & habet. Censetur enim ejusmodi modus inesse actui, cui adjicetur, nec pactum à contractu separatum inducit. Qua de causa etiam modus contrarius substantiae, seu bonis matrimonii illud annullat, arg. c. solet. 6. & c. aliquando 7. causâ. 32. q. 2. c. fin. b. t. Sanchez de Matr. lib. 5. disp. 19. n. 5. Dicastillo disp. 5. n. 228. quamvis sententiam oppositam dicat satis probabilem.

qui ex se statui conjugali non repugnat, & certè, alioquin in Ecclesia Occidentali, seu Graeca non posset Græcis concedi usus matrimonii etiam prius contracti; neque ratione voti tacite annexi quandoquidem nec votum solenne expressum jure naturæ, vel Divino dissolvit matrimonium contrahendum, ut dicemus. Quod & Concilium Trident. sess. 24. de Matr. can. 9. perspicue indicat, anathemate percellens dicentem: Clericos in Sacris constitutis, aut Regulares professos possa licere, & valide contrahere matrimonium, non obstante lege Ecclesiastica, scilicet quoad Clericos, vel voto, scilicet quoad Religiosos professos. Confer P. Engl ad Tit. de Cleric. conjug. n. 11. & seqq.

Causa efficiens proxima hujus impedimenti est Ordo sacer, nempe Episcopatus, Presbyteratus, Diaconatus, & Sub-Diaconatus; quamvis enim in Ecclesia primitiva Sub-Diaconatus inter sacros Ordines reputatus non fuerit, postea tamen his accessit. c. à muliis 9. de Æstat. & qualit. c. miramur. 7. de Servi ordin.

§. III.

Subjectum impedimenti Ordinis sunt Clerici, quos Ordo sacer reddit inhabiles ad matrimonium contrahendum. Ubi

Controvertitur I. An pueri ordinati ante usum rationis ex vi Ordinis recepti teneantur ad servandam castitatem, & ad matrimonium contrahendum inhabilitantur?

Affirmant Paludan, Gabriel, Anton. & alii, quos refert Sanchez de Matr. lib. 7. disp. 30. n. 1. ex ea ratione: quia ex præcepto, & constitutione Ecclesiæ obligatio perpetua castitatis, & inhabilitas ad matrimonium est annexa Ordini sacro. Ergo sicut defectus usus rationis in pueris non impedit susceptionem Ordinis sacri, ita etiam non impedit obligationem perpetuae castitatis, & inhabilitatem ad matrimonium, ex Ecclesiæ statuto Ordini sacro annexam, & accessoriā: quoniam de

TITULUS VI.

Qui Clerici, vel voventes matrimonium contrahere possunt.

Hoc titulō proponuntur impedimenta Ordinis, & voti; quibus jungemus cœlū disparitatem, quæ sedem alias certam in hoc libro non obtinet.

Pars I.

De Impedimento Ordinis.

SUMMARIA.

1. *Quid sit impedimentum Ordinis? 2. Quo jure dirimatur matrimonium? 3. 6. 7. Quibus Ordinibus annexum sit? 4. 5. Quos Clericos reddat inhabiles ad matrimonium? 8. 9. Qui sint hujus impedimenti effectus? 10. An, & quando in eo dispensari possit?*

§. I.

Inhuitur impedimentum Ordinis: est Ordo sacer dirimens matrimonium sublequens. Colligitur ex c. 1. & 2. b.

§. II.

2. Causa efficiens impedimenti Ordinis, alia est remota, alia proxima.

Remota est Jus, & illud solum Ecclesiasticum; non Divinum, cum nullus textus existet; nec naturale: ex quo Ordo sacer matrimonium neque dirimit ratione sui, utpote